

CONVENIO DE COLABORACIÓN ENTRE O SERVIZO GALEGO DE SAÚDE E A ASOCIACIÓN ESPAÑOLA CONTRA O CANCRO (SEDE PROVINCIAL DE OURENSE), PARA POR A DISPOSICIÓN DESTA ASOCIACIÓN NO HOSPITAL UNIVERSITARIO DE OURENSE, NO HOSPITAL PÚBLICO DE VALDEORRAS E NO HOSPITAL PÚBLICO DE VERÍN (ÁREA SANITARIA DE OURENSE, VERÍN E O BARCO DE VALDEORRAS) OS RECURSOS NECESARIOS PARA O DESENVOLVEMENTO DOS PROGRAMAS DE “APOIO E ACOMPAÑAMENTO” E “ACTIVIDADES DE VOLUNTARIADO”.


Ourense, 16 de novembro de 2023

## REUNIDOS

**Dunha parte**, don Julio García Comesaña, conselleiro de Sanidade e presidente do Servizo Galego de Saúde, de acordo co establecido no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, de conformidade cos Decretos 136/2019 e 137/2019 de 10 de outubro, polos que se establecen as estruturas orgánicas da Consellería de Sanidade e do Servizo Galego de Saúde, respectivamente; así como co establecido na Lei 1/2016, do 18 de xaneiro de transparencia e bo goberno e na Lei 40/2015, do 1 de outubro, de réxime xurídico do sector público.

**Doutra parte**, don Germán Rodríguez-Sáa López con D.N.I. nº 44.461.341-H actuando en nome e representación da sede provincial de Ourense da Asociación Española Contra o Cancro (en adiante AECC), en virtude das facultades que lle son conferidas como Presidente daquela nos Estatutos que regulan a organización e funcionamento da AECC, con C.I.F. G-28197564 e con domicilio a efectos deste convenio, na rúa Curros Enríquez, nº26, 1º Esquerda (C.P. 32003).

As partes intervinientes, que se recoñecen reciprocamente capacidade e lexitimación para asinar o presente convenio:

  
asociación española  
contra o cancro  
en Ourense  
G28197564  
Doulos Marellón, 31 - Baixo  
32005 Ourense  
ourense@contraelcancer.es  
asociacioncontraelcancer.es



## EXPOÑEN

**Primeiro.-** Que a AECC é unha institución con personalidade xurídica propia e plena capacidade de obrar para o cumprimento dos seus fins, de carácter benéfico asistencial e sen fin de lucro. Fundada en 1953 e declarada de “utilidade pública” en 1970, cuxo fin principal e

loitar contra o cancro en tódalas posibles modalidades coñecidas, ou que no futuro se coñezan, mediante o desenvolvemento de funcións e actividades de divulgación, de prevención, de investigación, de información e de carácter sanitario ou asistencial.

**Segundo.-** Que o Servizo Galego de Saúde, sensible aos fenómenos que poidan redundar nunha maior cohesión social, reconece o importante papel da AECC. Por elo, sendo consciente da necesidade de promover e coordinar actividades dende postulados flexibles que permitan unas regras básicas para o desenvolvemento da súa acción, en campos como a saúde, está interesado en colaborar coa AECC.

**Terceiro.-** Que a xerencia da área sanitaria de Ourense, Verín e o Barco de Valdeorras, incorpora entre os seus obxectivos o fomento do voluntariado, a través de programas de colaboración con entidades e asociación do eido sanitario.

**Cuarto.-** Que co propósito de instrumentar una acción coordinada en tódolos campos de actuación en materia oncolóxica, ambas partes, de mutuo acordo deciden subscribir o presente convenio de colaboración.

De conformidade co anteriormente exposto e seguindo este amplo sentido de colaboración, as entidades comparecentes deciden cooperar nas actividades que actualmente desenvolven, recoñecéndose a representación que ostentan e acordando formalizar o presente convenio de colaboración, con arranxo as seguintes:



## CLÁUSULAS

### Primeira. Obxecto

O obxecto deste convenio é que o Servizo Galego de Saúde, poña a disposición da AECC, tanto no Hospitalario Universitario de Ourense como no Hospital Público de Valdeorras e no Hospital Público de Verín, os recursos necesarios para poder nestes centros desenvolver os programas denominados "Apoio e Acompañamento" e "As Actividades de Voluntariado". Os programas teñen por obxectivo facilitar de maneira inmediata a obtención da información necesaria, dos recursos existentes para a atención psicolóxica, social, informativa puntual e/ou específica aos pacientes e as pacientes recentemente diagnosticados de cancro e os seus familiares, en relación a situación da súa enfermidade:

- Identificando as necesidades do enfermo/a e/ou familiar rapidamente unha vez diagnosticado.
- Avaliando o grao de malestar que presentan as persoas enfermas e os seus familiares tras recibir o diagnóstico.
- Favorecendo o acceso aos diversos servizos que sexan mais axeitados e que se axusten as súas necesidades.


### Segunda. Cesión de uso de tres salas

Esta posta a disposición de recursos a favor da AECC implica: a cesión de uso de tres salas, situada unha delas, no Hospital Universitario de Ourense, concretamente no Hospital Santa Maria Nai, na sala NSG5, outra no Hospital Público de Valdeorras, nunha sala na entrada deste centro e a terceira sala no Hospital Público de Verín, en concreto no entorno da biblioteca do centro, para que esa entidade desenvolva as súas funcións de luns a venres de 09:30 a 14:30 horas.

A cesión outorgase en precario, podendo revogarse en calquera momento sen dereito a indemnización algunha.

A AECC realiza actividades sen ánimo de lucro, que satisfán fins públicos que non resultan contraditorias coa afectación do ben cedido.

Durante os días que se poñen a disposición os recursos necesarios, a AECC comprométese a non arrendar, traspasar, nin ceder, nin sequera temporalmente nin a título precario a terceiras persoas aqueles





Con anterioridade ao inicio da cesión de uso das salas indicadas, o persoal da área sanitaria de Ourense, Verín e O Barco de Valdeorras levantará as correspondentes actas previas en presenza dun representante debidamente apoderado da AECC, nas que se describa o estado xeral das salas, que deben ser asinadas por ámbalas dúas partes.

### **Terceira. Protección de datos**

O persoal da AECC queda obrigado a non utilizar en beneficio propio, ou transmitir os datos que coñeza ou obteña a través da súa relación co Hospital Universitario de Ourense, co Hospital Público de Valdeorras e co Hospital Público de Verín, estando obrigado ao segredo profesional, a confidencialidade e uso da información segundo a Ley Orgánica 3/2018, de 5 de decembro, de Protección de Datos Personais e garantía dos dereitos dixitais.

A AECC, para garantir a confidencialidade e a calidade na custodia dos datos, albergará a información no seu Sistema de Información, durante o tempo que dure o tratamento e posteriormente durante o prazo que determina a lexislación vixente para atender posibles reclamacións de órganos xudiciais e administrativos. Finalizado dito prazo, a AECC procederá a eliminar os datos persoais, de xeito que non quede ningunha referencia expresa aos pacientes e as pacientes en dito sistema.

En cumprimento do disposto na Lei Orgánica 3/2018, de 5 de decembro, de Protección de Datos Personais e garantía dos dereitos dixitais a AECC solicitará aos pacientes o seu consentimento expreso para a inclusión dos seus datos persoais no ficheiro correspondente.


### **Cuarta. Obrigas do Servizo Galego de Saúde**

O Servizo Galego de Saúde a través da área sanitaria de Ourense, Verín e O Barco de Valdeorras, terá a obriga de manter as salas en condicións de traballo.

Correspóndelle ao Servizo Galego de Saúde, a través da área sanitaria de Ourense, Verín e O Barco de Valdeorras facilitar a información e os medios necesarios aos seus facultativos para que o máximo de persoas enfermas oncolóxicas poidan ter acceso aos servizo de asistencia do persoal da AECC, propiciando a coordinación efectiva no ámbito hospitalario.

### **Quinta. Obrigas da AECC**

A AECC, para o desenvolvemento do "Programa de Apoio e Acompañamento" aos pacientes e ás pacientes diagnosticadas de cancro e aos seus familiares, contará con persoal propio cualificado que realizará as súas funcións nas salas obxecto de cesión, sitas no Hospital Universitario de Ourense, no Hospital Público de Valdeorras e no Hospital Público de Verín,

  
Asociación Española  
contra o cancro  
en Ourense  
Calle  
Doutor Marañón, 21 - Balxo  
32005 Ourense  
ourense@contraelcancer.es  
asociacion@contraelcancer.es

  
SERVIZO GALEGO DE SAÚDE  
ÁREA SANITARIA DE VALDEORRAS  
4

prestándolles asistencia cando así o requiran e/ou soliciten. As funcións a desenvolver polo dito persoal, non limitativas senón enunciativas, son:

- 1 Identificar, de forma rápida a demanda dos pacientes e das pacientes e dos seus familiares, mediante un sistema estandarizado de clasificación das necesidades detectadas.
- 2 Asegurar a priorización en función das necesidades psicolóxicas, sociais, informativas, etc. do/da paciente e/ou familiar.
- 3 Determinar o servizo ou programa mais axeitado para cada caso.
- 4 Informar, aos pacientes, ás pacientes e os seus familiares sobre os recursos existentes a súa disposición, tanto propios do Hospital Universitario de Ourense, do Hospital Público de Valdeorras e do Hospital Público de Verín, como externos e favorecer o acceso rápido aos mesmos.

Dende o punto de vista funcional, a AECC desenvolverá os seus programas con autonomía e en coordinación cos Servizos do Hospital Universitario de Ourense, do Hospital Público

de Valdeorras e do Hospital Público de Verín, que se poidan relacionar: servizo de oncoloxía, servizo de psicooncoloxía, orientación social, enfermería de enlace, etc.

A intervención de apoio e acompañamento terá unha duración dunha ou dúas sesións máximo para derivar aos/ás pacientes, en caso necesario, a outros servizos do Hospital Universitario de Ourense, do Hospital Público de Valdeorras e do Hospital Público de Verín, da AECC ou a servizos externos. Procederá en función do nivel de distrés (leve, moderado, severo) e as necesidades daqueles/as (información psicolóxica, información xeral médica, emocional e/ou social).

A AECC tamén realizará as "actividades de voluntariado".

As principais funcións a desenrolar polo persoal voluntario para a consecución do obxectivo son:

- Acompañamento a pacientes de oncoloxía e os seus familiares cando as súas condicións o faciliten e non exista impedimento por parte das persoas afectadas.
- Suptencia ocasional do/da persoa coidadora principal para facilitar o seu descanso físico e emocional.

asociación española  
contra o cancro  
en Ourense  
918197564  
Oxela Marañón, 21 - Baixo  
31005 Ourense  
ourense@contraelcancer.es  
asociacioncontracancer.es






- Apoio emocional a pacientes de oncoloxía e aos seus familiares para facilitar a expresión das emocións asociadas co diagnóstico e o proceso da enfermidade.
- Actividades de animación e entretemento para facilitar a estancia da persoa enferma no hospital e a distracción con actividades de ocio.
- Apoio ao persoal sanitario mediante tarefas complementarias as dos profesionais, sen interferir nestas últimas nin realizar tarefas correspondentes aos profesionais.
- Guía hospitalaria e apoio na realización de xestións.
- Comunicación á coordinadora de voluntariado da asociación no hospital dos casos que presentan situacións e necesidades que requiran a intervención de persoal especializado, para a súa derivación ao profesional ou a profesional correspondente.

A AECC, así mesmo, obrígase a:

- A) Poñer en coñecemento da Xerencia da área sanitaria de Ourense, Verín e O Barco de Valdeorras, calquera acto dun terceiro do que teña noticia, que sexa capaz de causar danos nas salas cedidas.
- B) Informar por escrito, sempre que sexa necesario ou sexa requirida ao efecto, das deficiencias e deterioros que presenten as salas da que é cesionaria.
- C) Responder fronte a Xerencia da área sanitaria de Ourense Verín e O Barco de Valdeorras e fronte a terceiros de tódolos danos que poidan derivarse directa ou indirectamente nos recursos postos á súa disposición coa póliza de seguro de responsabilidade civil e de accidentes pertinente, que a AECC manterá en vigor mentres o convenio estea vixente. Exímese ao Servizo Galego de Saúde e a Xerencia da área sanitaria de Ourense, Verín e O Barco de Valdeorras de calquera responsabilidade ao respecto.
- D) A asociación responderá subsidiariamente co seu patrimonio, fronte a todo risco excluído das coberturas da póliza de responsabilidade civil ou no seguro de accidentes subscritos. Así mesmo, deberá facer fronte a calquera posible indemnización polos danos e prexuízos ocasionados no exercicio da súa actividade nas instalacións do Servizo Galego de Saúde, que supere o límite do capital asegurado establecidos nas pólizas de responsabilidade civil e no seguro de accidentes.
- E) Cumprir e facer cumprir as disposicións legais vixentes sobre prevención de riscos laborais, así como a normativa interna do Hospital Universitario de Ourense, do Hospital Público de Valdeorras e do Hospital Público de Verín, acerca das condicións de seguridade.



F) Custodiar e vixiar os bens mobles de titularidade da xerencia da área sanitaria de Ourense, Verín e o Barco de Valdeorras que utilice a AECC. Os recursos necesarios para o desenvolvemento da súa actividade (por exemplo, as salas) disporán de pechadura, para cuxo acceso se necesitará a súa correspondente chave, permanecendo abertas no horario de atención ao público, agás cando se ausente o persoal da AECC, previo aviso. As ditas salas só disporán de acceso autorizado ao persoal da AECC, aos voluntarios/as da AECC previa autorización, e ao persoal do Hospital Universitario de Ourense, do Hospital Público de Valdeorras e do Hospital Público de Verín.

As actuacións que leven a cabo os/as profesionais da AECC en ningún caso afectarán ao normal funcionamento dos centros e servizos do Servizo Galego de Saúde, nin interferirán nos circuítos asistenciais neles instaurados.

#### **Sexta. Relacións Laborais.**

As obrigas sociais e laborais respecto ao persoal que aporta a AECC corresponderán única e exclusivamente a esta, sendo a Xerencia da área sanitaria de Ourense, Verín e O Barco de Valdeorras (Hospital Universitario de Ourense, Hospital Público de Valdeorras e Hospital Público Verín) e o Servizo Galego de Saúde, alleos ás devanditas relacións laborais.


A subscrición do presente convenio non comporta relación laboral contractual ou de calquera outro tipo entre o persoal e os voluntarios da AECC e a xerencia da área sanitaria de Ourense, Verín e O Barco de Valdeorras.

A subscrición do presente convenio non comporta relación contractual algunha entre o Servizo Galego de Saúde e as persoas ou profesionais que realicen as actividades da AECC nas instalacións do Hospital Universitario de Ourense, do Hospital Público de Valdeorras e do Hospital Público de Verín e que constitúan obxecto do mesmo, de tal forma que non se lle poderá esixir responsabilidade algunha, nin directa nin subsidiaria, por calquera incidencia acaecida no seu desenvolvemento.

A xerencia da área sanitaria de Ourense, Verín e O Barco de Valdeorras non asumirá os contratos de traballo que poida concertar a AECC para o cumprimento dos seus fins.

#### **Sétima. Comisión de seguimento**

Constituirase unha comisión mixta paritaria para o seguimento e control do convenio, co obxecto de resolver as dúbidas que se presenten na súa interpretación e execución. Esta comisión estará composta por:





- Dous representantes do Servizo Galego de Saúde.
- Dous representantes da AECC.

No suposto de desacordo entre as partes que compoñen esta comisión, a persoa titular da presidencia do Servizo Galego de Saúde será a competente para resolver as distintas cuestións obxecto de diverxencia. A devandita resolución poderá ser impugnada ante a xurisdición contencioso-administrativa.

### **Oitava. Financiamento**

O presente convenio non leva compromiso de gasto para o Servizo Galego de Saúde, e por isto, non se precisa consignación orzamentaria.

### **Novena. Vixencia**

O presente convenio entrará en vigor o día da súa sinatura e terá unha vixencia inicial dun ano.

As partes poderán acordar a prórroga do presente convenio por un ano máis, de conformidade co sinalado no artigo 49.h.2º da Lei 40/2015, do 1 de outubro, de réxime xurídico do sector público e no artigo 37.2 da Lei 5/2011, do 30 de setembro, de patrimonio de Galicia, formalizada por escrito con carácter previo ao seu remate.

### **Décima. Causas de resolución**

A posta a disposición dos recursos necesarios (salas cedidas), para o desenvolvemento pola AECC dos seus programas, extinguirase polas seguintes causas:

- a) A falta de uso os días que están fixados, durante un período de seis semanas, salvo que obedecera a motivos xustificadas. Corresponderá á Xerencia da área sanitaria de Ourense, Verín e O Barco de Valdeorras (Hospital Universitario de Ourense, Hospital Público de Valdeorras e Hospital Público de Verín), a valoración, en cada caso concreto, das causas alegadas pola AECC para xustificar a falta de utilización.
- b) O incumprimento das obrigacións que a AECC asume en virtude do presente convenio.
- c) A necesidade de utilización por parte da Xerencia da área sanitaria de Ourense Verín e O Barco de Valdeorras (Hospital Universitario de Ourense, o Hospital Público de Valdeorras e o Hospital Público de Verín), das salas postas a disposición da asociación durante o horario indicado na cláusula segunda. Neste caso, procederase á resolución do convenio, sen que corresponda indemnización algunha á AECC e con inmediato abandono por parte desta das





instalacións. Para tal efecto, a xerencia avisará cun mes de antelación para que neste prazo, a AECC, deixe de utilizalas.

d) A expiración do prazo fixado para a cesión.

e) O mutuo acordo das partes.

### **Décimo primeira. Reversión e acta de entrega**

Á extinción por calquera causa das indicadas, producirá a reversión á Xerencia da área sanitaria de Ourense, Verín e O Barco de Valdeorras (Hospital Universitario de Ourense, Hospital Público de Valdeorras e ao Hospital Público de Verín) dos recursos postos a disposición da AECC.

A AECC poderá retirar os bens da súa propiedade que se encontren nos lugares que estaban a utilizar.

Finalizada a utilización dos recursos postos a disposición da AECC, levantarase polo persoal da Xerencia da área sanitaria de Ourense, Verín e O Barco de Valdeorras a correspondente acta de entrega en presenza da persoa, debidamente apoderada, que ostente a representación da AECC, describindo o estado xeral daquelas e, no seu caso, especificando os danos e prexuízos de calquera clase a efectos da súa reparación ou indemnización posterior a cargo da AECC, sempre que aqueles fosen imputables ao incumprimento das obrigas establecidas neste Convenio.

### **Décimo segunda. Natureza do convenio e xurisdición**

Este convenio ten natureza administrativa, e rexerase polas estipulacións nel contidas. Asemade, de conformidade co artigo 4 da Lei 9/2017, de 8 de novembro, este convenio rexerase polas súas normas especiais, aplicándose os principios desta Lei para resolver as dúbidas e lagoas que puidesen presentarse.

As partes comprométense a resolver de maneira amigable calquera desacordo que puidera xurdir no desenvolvemento do presente convenio. As cuestións litixiosas que poidan xurdir na interpretación ou no incumprimento das obrigas que se deriven do presente convenio, e que non poidan ser dirimidas pola Comisión de seguimento creada para tal efecto, quedarán sometidas á xurisdición contencioso administrativa, de conformidade coa Lei 29/1998, do 13 de xullo, reguladora da devandita xurisdición.

 **asociación española  
contraste de tumores  
en Ourense**

### **Décimo terceira. Rexistro de convenios, transparencia e bo goberno**

G28197514  
Doutor Marañón, 21 - Balco  
34105 Ourense  
ourense@contraelcancer.es  
asociacioncontraelcancer.es



A sinatura deste convenio de colaboración leva implícito o consentimento expreso das persoas intervinientes para que a Administración pública autonómica galega poida facer públicos os datos de carácter persoal e calesquera outras especificacións que figuren nel, de acordo co disposto na Lei 19/2013, do 9 de decembro, de transparencia, acceso á información pública e bo goberno, e a Lei Galega 1/2016, do 18 de xaneiro, de transparencia e bo goberno.


E, en proba de conformidade, ambas partes asinan o presente convenio de colaboración, por cuadruplicado e a un só efecto, no lugar e data indicada no encabezamento.

O Presidente do Servizo Galego  
de Saúde  
(P.D. de data 18 de Outubro de 2023)  
O xerente da área sanitaria de Ourense,  
Verín e Barco de Valdeorras

Asdo. Félix Rubial Bernárdez



O Presidenta da Asociación  
Española Contra o Cancro  
(AECC) Sede Provincial  
Ourense



Asdo. Germán Rodríguez-Saa López